

BOSNIA. DALMATIA.

Turcæ nusquam refugio reperto , præcluso ponte ad reliquum exercitum aditu , omnes fere caduntur , reliqui in Savo & Kulpa fluminibus salutem quærentes submerguntur. Pars reliqua Exercitus Turcici, cum a suis infelicissime pugnatum videret, turpiter fugit ; ac tandem nostri auxiliante Deo **xxii Junii Anno ciciocxi** Civitatem arctissima obsidione liberant.

Bosnia.

Liburniæ Orientalem plagam *Bosniam* hodie dicunt a *Bessis* Inferioris Mœsiæ populis: qui inde a Bulgariis ejecti in hanc Superiorem Mœsiam migrarunt, ac mutato e in o litera, pro *Bessis* *Bossi* & *Bosni* dicuntur: atque inde *Bosna* & *Bosnia*. Quales mutationes in multis aliis propriis nominibus sæpe factas videmus, ut olim *Melita* & hodie *Malta*, *Longones* & *Lingones*, *Scandia* & *Schondia* &c. *Bosnie* Vrbs est *Jaitza* in edito Monte sita, quam duo amnes circumfluunt, præruptisque rupibus & vadis obfirmant. Ad radices Montis & ad ambitum urbis amnes illi confluunt, admixtique una in Savum feruntur. Bosnenfis regni hæc ante tempora nostra Caput erat, cum inexpugnabili Arce, ac Hostibus inaccesibili. Habet regio & alias quasdam insignes Civitates, præsertim *Schwoniam* & *Warbosayne*, quam aiunt hodie esse Metropolim, sed nullo cingitur muro. Milliatzka fluvius dirimit eam in duas partes, &c.

Dalmatia.

Restat ut de Dalmatia, cujus etiam partem hæc Tabula delineat, pauca subjungamus. Ea a *Delminio* civitate gentis Metropoli nomen habere puratur. Fuit olim Dalmatia potentissima regio, atque ipsi Dalmatæ olim potentes armis & opibus, situ etiam confidentiores fuerunt. Agebant plerumque sub *Silvis*, inde in latrocinia promptissimi. Urbes sunt *Salanum*. Hic supersunt aliquæ reliquæ *Dioeletiani*, qui hoc loco, uti patria sua, afficiebatur. *Raguzium*, de quo supra. *Castel novo* ad ostium sinus *Rizonici* ab antiquis vocati. *Catarum* optimum habens portum. Atque haud procul a limitibus hujus Regionis sita est ad mare *Civitas Apollonia*, juxta quam est petra quæ flammam ignis evomit, & infra eam ebulliunt aquæ calidæ, & bitumen, præsertim quando petra ardet. Ecclesiastica porro administratio ad hanc Tabulam pertinet ex Provinciali Romano apud Mercatorem talis: Archiepisc. *Jadra* quam nunc *Zaram* dici putant. Cui subsunt *Anzara*, *Vegla*, *Arbe*. Archiep. *Spolato*, sub quo *Tragurium*, *Tenensis Tina*, *Sardona*, *Tennensis*, *Nenensis*, *Nonenis*, *Almsa*, *Subincensis*, *Farenis*. Archiep. *Ragusinus*, vide in Tabula Græciæ & Macedoniæ, sub quo *Stagnensis*, *Rossonensis* *Risine* opinor; *Tribunienis* *Trebina*, *Cataro*, *Bacensis*, *Rosensis*, *Bidanensis*, *Budoa*. Archiepisc. *Antibarensis* in Tab. Macedoniæ, sub quo sunt *Dulcinium*, *Suacimensis*, *Drinastensis*, *Polastrensis*, *Scodrensis*, *Sardensis*, *Surtanensis* vel *Acittarensis*, *Arbensis*.

Regio & unde
dicta.

Urbes.

Regio est unde
dicta.

Imperium majo-
rum.

A a a a iij

VALACHIA